

Z A P I S N I K

sa 2. redovne sjednice Senata Univerziteta održane u srijedu 16.10.2019. godine u 11,00 sati u amfiteatru A-2 Rektorata Univerziteta u Tuzli

Sjednicom je predsjedavala dr. sci. Nermina Hadžigrahić, red.prof., Rektorica Univerziteta u Tuzli.

Sjednici su prisustvovali slijedeći članovi Senata: doc. Damir Mahmutović, MA, prof.dr.sci. Damir Altumbabić, prof.dr.sci. Edina Kuduzović, prof.dr.sci. Zamir Mrkonjić, prof.dr.sci. Safet Kozarević, prof.dr.sci. Adisa Delić, prof.dr.sci. Aljo Mujčić, prof.dr.sci. Majda Tešanović, prof.dr.sci. Dževad Džibrić, prof.dr.sci. Melika Muratović, prof.dr.sci. Adaleta Softić, doc.dr.sci. Nahida Srabović, prof.dr.sci. Tanja Pavlović, prof.dr.sci. Adnan Jahić, doc.dr.sci. Izudin Delić, prof.dr.sci. Farid Ljuca, prof.dr.sc. Amir Karić, prof.dr.sci. Vedad Gurda, prof.dr.sci. Enes Duvnjaković, prof.dr.sci. Semir Ahmetbegović, prof.dr.sci. Adnan Hodžić, prof.dr.sci. Zvezdan Karadžin, prof.dr.sci. Amra Bratovičić, Amila Omersoftić, student, Melika Damadžić, student, Asmir Smajlović, student, Mateja Šumić, student.

Sjednici nisu prisustvovali: prof.dr.sci. Salko Ćosić, prof.dr.sci. Zumreta Kušljugić, prof.dr.sci. Elvis Ahmetović, mr.sci. Nedret Kikanović.

Osim članova Senata sjednici su prisustvovali: prof.dr.sci. Nerdina Mehinović, prof.dr.sci. Mensura Aščerić, prof.dr.sci. Nihada Delibegović Džanić, prof.dr.sci. Dževad Mahmurović, prof.dr.sci. Vedad Pašić, prof.dr.sci. Sead Čatić, Nedžad Hodžić, predsjednik Studentskog parlamenta, generalni sekretar Jasmina Berbić, dipl. pravnik, Mirela Biberović, str. saradnik, Fikreta Jahić, šef finansija i Nađa Salkić, str.saradnik

Predsjedavajuća Senata konstatovala je da postoje uslovi za rad i odlučivanje na sjednici u skladu sa Statutom Univerziteta, te je otvorila 2. redovnu sjednicu Senata Univerziteta.

Dala je na usvajanje predloženi dnevni red i predložila je dopunu dnevnog reda tačkama:

- Razmatranje Molbe studenata Rudarsko-geološko-građevinskog fakulteta za koloziono pohađanje nastave
- Razmatranje izmjena i dopuna planova realizacije nastave za zimski semestar akademske 2019/20. godine
- Razmatranje zahtjeva radnika Univerziteta u Tuzli za davanje saglasnosti za angažovanje na drugoj visokoškolskoj ustanovi.

Član Senata prof.dr.sci. Amir Karić predložio je dopunu dnevnog reda tačkom Izbor- dr.sci. Edina Mutapčića za ponovni izbor (reizbor) u naučno-nastavno zvanje vanrednog profesora.

Član Senata prof.dr.sci. Safet Kozarević je predložio da se sa dnevnog reda skine tačka 2. Nakon kraće rasprave većinom glasova od ukupnog broja prisutnih članova Senata, uz četiri glasa protiv, odlučeno je da se o predloženoj tački 2 raspravlja na današnjoj sjednici.

Nakon što je usvojio prijedloge Predsjedavajuće i prof.dr.sci. Amira Krića za dopunu dnevnog reda, Senat je za ovu sjednicu jednoglasno usvojio slijedeći

DNEVNI RED

1. Utvrđivanje prijedloga za raspisivanje konkursa za izbor saradnika sa zasnivanjem radnog odnosa
2. Donošenje Pravilnika o regulisanju angažovanja nastavnika i saradnika Univerziteta u Tuzli na drugoj visokoškolskoj ustanovi/sa drugim pravnim licima
3. Razmatranje Molbe studenata Rudarsko-geološko-građevinskog fakulteta za koloziono pohađanje nastave
4. Donošenje izmjena i dopuna planova realizacije nastave za zimski semestar akademske 2019/20. godine
5. Razmatranje zahtjeva radnika Univerziteta u Tuzli za davanje saglasnosti za angažovanje na drugoj visokoškolskoj ustanovi

6. Donošenje odluke o ponovnom izboru dr.sci. Edina Mutapčića u naučno-nastavno zvanje vanrednog profesora.

Rad na sjednici

TAČKA 1. UTVRĐIVANJE PRIJEDLOGA ZA RASPISIVANJE KONKURSA ZA IZBOR SARADNIKA SA ZASNIVANJEM RADNOG ODNOSA

Nakon što je razmotrio Prijedlog Naučno-nastavnog vijeća Fakulteta elektrotehnike, Senat Univerziteta jednoglasno je donio

O D L U K U

I

Raspisuje se Konkurs za izbor u saradničko zvanje (*sa zasnivanjem radnog odnosa*) na fakultetu Univerziteta u Tuzli, kako slijedi:

Fakultet elektrotehnike

Saradnik u saradničko zvanje asistenta za užu naučnu oblast:

„Automatika i robotika“	1 izvršilac
„Elektroenergetske mreže i sistemi“	1 izvršilac
„Elektrotehnika i sistemi konverzije energije“	1 izvršilac
„Računarstvo i informatika“	1 izvršilac
„Telekomunikacije“	2 izvršioca

II

Tekst konkursa čini sastavni dio ove odluke, a isti će se objaviti nakon pribavljanja prethodne saglasnosti Ministarstva obrazovanja i nauke TK.

TAČKA 2. DONOŠENJE PRAVILNIKA O REGULISANJU ANGAŽOVANJA NASTAVNIKA I SARADNIKA UNIVERZITETA U TUZLI NA DRUGOJ VISOKOŠKOLSKOJ USTANOVI/SA DRUGIM PRAVNIM LICIMA

Na osnovu člana 60. stav (1) tačka p) Zakona o visokom obrazovanju ("Službene novine Tuzlanskog kantona", broj: 7/16, 10/16, 5/17 i 15/17), a u vezi sa članom 84. istog Zakona i članom 268. Statuta Univerziteta, Senat Univerziteta u Tuzli jednoglasno je donio

Pravilnik o regulisanju angažovanja nastavnika i saradnika Univerziteta u Tuzli na drugoj visokoškolskoj ustanovi/sa drugim pravnim licima

Član 1.

„(1) Ovim Pravilnikom uređuju se uslovi, postupak i druga pitanja vezana za:

-davanje saglasnosti za izvođenje nastave/vježbi akademskog osoblja Univerziteta u Tuzli (u daljem tekstu: Univerzitet) na drugoj visokoškolskoj ustanovi, na sva tri ciklusa studija,

-davanje saglasnosti zaposlenim nastavnicima i saradnicima/izabranim bez zasnivanja radnog odnosa na Univerzitetu u Tuzli za zaključivanje ugovora o radu sa nepunim radnim vremenom na drugoj visokoškolskoj ustanovi, odnosno kod drugog poslodavca koji obavljaju registrovanu djelatnost Univerziteta/njegovih fakulteta (naučnoistraživački rad, realizacija programa obrazovanja

odraslih),

-davanje saglasnosti za učešće u radu komisija u postupcima sticanja naučnog stepena doktora nauka i mentorstvo za sticanje naučnog stepena doktora nauka/magistra struke na drugoj visokoškolskoj ustanovi, koji nisu definisani alinejom (2) ovog stave.

(2) Drugom visokoškolskom ustanovom, u smislu prethodnog stava ovog člana, smatra se javna visokoškolska ustanova koja je potpisnica sporazuma o međusobnom razumijevanju i saradnji, zaključenog na nivou Rektorske konferencije Bosne i Hercegovine ili druga visokoškolska ustanova u inostranstvu.

Član 2.

(1) Takmičenje zaposlenika sa Univerzitetom nastaje ako se zaposleni nastavnik/saradnik angažuje za izvođenje nastave na drugoj visokoškolskoj ustanovi bez prethodnog odobrenja Senata, u skladu sa ovim Pravilnikom.

(2) Nastavnik/saradnik izabran u naučno-nastavno zvanje, bez zasnovanog radnog odnosa na Univerzitetu može izvoditi nastavu na drugoj visokoškolskoj ustanovi definisanoj u članu 1. ovog Pravilnika samo uz prethodno odobranje Senata Univerziteta.

Član 3.

(1) Nastavnici Univerziteta mogu se angažovati u izvođenju nastave na visokoškolskoj ustanovi iz člana 1. stav (2) ovog Pravilnika do najviše 6 sati nastave, prosječno sedmično na godišnjem nivou.

(2) Zaposleni nastavnik/saradnik Univerziteta za čijim radom postoji potreba u nastavnom procesu na Univerzitetu sa maksimalnim opterećenjem, utvrđenim Standardima i normativima visokog obrazovanja u TK, ne može dobiti saglasnost za angažman na drugoj visokoškolskoj ustanovi ukoliko odbije izvođenje nastave na Univerzitetu.

(3) Nastava na drugoj visokoškolskoj ustanovi izvodi se izvan redovnog radnog vremena na Univerzitetu (subotom i/ili nedeljom i/ili u vrijeme godišnjeg odmora), a evidencija o datim saglasnostima vodi se na fakultetu/Akademiji i u Uredu za nastavu i studentska pitanja Univerziteta.

Član 4.

(1) Zahtjev za davanje saglasnosti za izvođenje nastave na drugoj visokoškolskoj ustanovi zaposleni nastavnik/saradnik/izabran bez zasnivanja radnog odnosa podnosi Senatu Univerziteta, na početku nastave u semestru, uz koji prilaže prethodno pribavljeno mišljenje naučno-nastavnog/umjetničko-nastavnog vijeća fakulteta/Akademije kao i zahtjev javne visokoškolske ustanove koja je iskazala potrebu za njegovim angažovanjem u izvođenju nastave.

(2) Zahtjev iz stava 1. ovog člana treba da sadrži naziv visokoškolske ustanove, naziv nastavnog/ih predmeta, fond sati predmeta, semestar u kojem se angažuje kao i izjavu da će nastavu realizirati u dane vikenda/godišnjeg odmora.

Član 5.

Nastavnik/saradnik, zaposlenik/izabran u zvanje bez zasnivanja radnog odnosa koji nije pribavio saglasnost iz člana 4. ovog Pravilnika, ne može, u svoje ime i za svoj račun, kao ni za račun druge javne visokoškolske ustanove, učestvovati u izvođenju nastave na istoj.

Član 6.

(1) Ako zaposlenik postupi suprotno članu 5. ovog Pravilnika čini, svojom krivicom, u smislu Zakona o radu, Statutu i Pravilniku o radu Univerziteta, težu povredu radne obaveze.

(2) Ako izabrani nastavnik/saradnik Univerziteta koji nije u radnom odnosu na Univerzitetu postupi suprotno članu 5. ovog Pravilnika, ne može učestvovati u realizaciji nastave na Univerzitetu, ne može biti biran niti napredovati u više naučno-nastavno zvanje.

Član 7.

Ovaj Pravilnik stupa na snagu danom donošenja.

Član 8.

Stupanjem na snagu ovog Pravilnika prestaju da važe Pravilnik o regulisanju angažovanja nastavnika i saradnika Univerziteta u Tuzli broj: 03-7650-6/11 od 21.09.2011. godine, broj: 03-5490-3/15 od 16.10.2015. godine i broj: 03-7169-9/16 od 12.10.2016. godine.

TAČKA 3. RAZMATRANJE MOLBE STUDENATA RUDARSKO-GEOLOŠKO-GRAĐEVINSKOG FAKULTETA ZA KOLOZIONO POHAĐANJE NASTAVE

Nakon razmatranja Molbe Studentskog parlamenta Univerziteta, Senat Univerziteta jednoglasno je donio slijedeće

ZAKLJUČKE

I

Obustavljaju se od izvršenja odluke Naučno-nastavnog vijeća Rudarsko-geološko-građevinskog fakulteta od 11.10.2019. godine kojima su odbačeni kao neblagovremeni zahtjevi studenata za koliziono slušanje nastave i polaganje ispita u akademskoj 2019/20. godini.

II

Nalaže se Naučno-nastavnom vijeću i Dekanu Rudarsko-geološko-građevinskog fakulteta, da u roku od 3 dana, po podnesenim pojedinačnim zahtjevima studenata ponovaca, dozvoli pohađanje nastave i polaganje ispita nastavnih predmeta iz naredne studijske godine pod uslovom da ukupno opterećenje studenta ne prelazi 30 ECTS boova po semestru, uključujući i neostvarene ECTS bodove.

III

Zadužuju se Rektora Univerziteta i Dekan Rudarsko-geološko-građevinskog fakulteta da osiguraju tehničke i prostorne kapacitete za realizaciju nastave u zgradi Rudarsko-geološko-građevinskog fakulteta i drugim objektima Univerziteta.

Obrazloženje

Studentski parlament Univerziteta u Tuzli dana 11.10.2019. godine obratio se Molbom Rektorici i Senatu Univerziteta za usvajanje žalbe na Odluku/Zaključak Naučno-nastavnog vijeća Rudarsko-geološko-građevinskog fakulteta vezano za koliziono pohađanje nastave u akademskoj 2019/20. godini. U istom navode da su zahtjeve uredno podnosili u studentsu službu Fakulteta i da su se javljali u kabinet Dekana, te da su im date upute da svoje zahtjeve mogu predati kasnije, a da se primarno fokusiraju na dodatni septembarski ispitni termin. U istom navode i da su im zahtjevi odbijeni iz razloga neblagovremenosti, te da su iste trebali predati 7 dana prije početka akademske godine.

Nakon prijema Molbe studenata, te izvršenog uvida u sadržinu odluke NNV Fakulteta, utvrđeno je: da je Naučno-nastavno vijeće Fakulteta, shodno članu 176. stav (2) Statuta Univerziteta zahtjeve studenata odbacilo kao neblagovremene jer nisu podneseni zaključno sa 23.09.2019. godine, te da je svojom Odlukom produžilo rok za podnošenje zahtjeva do 25.09.2019. godine.

Imajući u vidu činjenicu da je Senat Univerziteta svojom Odlukom broj: 03-4720-2/19 od 19.09.2019. godine odobrio studentima Univerziteta dodatni septembarski ispitni termin koji je trebao da se realizuje zaključno sa 30.09.2019. godine, Senat je ocijenio da je i studentima Rudarsko-geološko-građevinskog fakulteta trebao biti ostavljen rok od 7 dana po završetku dodatnog septembarskog ispitnog termina, te odlučiti o zahtjevima studenata u granicama utvrđenim članom 176. stav (2) Statuta Univerziteta.

Cijeneći naprijed navedeno, kao i činjenicu da su NNV i ostalih fakulteta po zahtjevima studenata postupili na način što su studente uveli u ovo pravo na izneseni način, te kako Statutom propisani rok od 7 dana nije propisan Zakonom, to je Senat, cijeneći ove okolnosti, kao i mogućnost osiguranja potrebnog prostora za izvođenje nastave u objektima Univerziteta i donio zaključke kao u dispozitivu.

TAČKA 4. DONOŠENJE IZMJENA I DOPUNA PLANOVA REALIZACIJE NASTAVE ZA ZIMSKI SEMESTAR AKADEMSKE 2019/20. GODINE

Na osnovu prijedloga naučno-nastavnih vijeća fakulteta, u okviru ove tačke dnevnog reda Senat Univerziteta jednoglasno je donio sljedeće Odluke:

O D L U K U

o usvajanju izmjena i dopuna Plana realizacije nastave za nastavnike i saradnike na prvom ciklusu studija Edukacijsko-rehabilitacijskog fakulteta Univerziteta u Tuzli u akademskoj 2019/20. godini

I

Usvajaju se izmjene i dopune Plana realizacije nastave za nastavnike i saradnike na prvom ciklusu studija Edukacijsko-rehabilitacijskog fakulteta Univerziteta u Tuzli u akademskoj 2019/20. godini.

II

Sastavni dio ove Odluke je dokument – Prijedlog Naučno-nastavnog vijeća sa tabelarnim pregledom Plana realizacije nastave na prvom ciklusu studija Edukacijsko-rehabilitacijskog fakulteta.

4.1

O D L U K U

o usvajanju izmjena Plana realizacije nastave za nastavnike i saradnike na prvom ciklusu studija Ekonomskog fakulteta Univerziteta u Tuzli u akademskoj 2019/20. godini

I

Usvajaju se izmjene Plana realizacije nastave za nastavnike i saradnike na prvom ciklusu studija Ekonomskog fakulteta Univerziteta u Tuzli u akademskoj 2019/20. godini.

II

Sastavni dio ove Odluke je dokument – Prijedlog Naučno-nastavnog vijeća sa tabelarnim pregledom Plana realizacije nastave na prvom ciklusu studija Ekonomskog fakulteta.

4.2

O D L U K U

o usvajanju izmjena Plana realizacije nastave za nastavnike i saradnike na prvom ciklusu studija Filozofskog fakulteta Univerziteta u Tuzli u akademskoj 2019/20. godini

I

Usvajaju se izmjene Plana realizacije nastave za nastavnike i saradnike na prvom ciklusu studija Filozofskog fakulteta Univerziteta u Tuzli u akademskoj 2019/20. godini.

II

Sastavni dio ove Odluke je dokument – Prijedlog Naučno-nastavnog vijeća sa tabelarnim pregledom Plana realizacije nastave na prvom ciklusu studija Filozofskog fakulteta.

4.3

O D L U K U

o usvajanju izmjena i dopuna Plana realizacije nastave za saradnike na prvom ciklusu studija Fakulteta elektrotehnike Univerziteta u Tuzli u akademskoj 2019/20. godini

I

Usvajaju se izmjene i dopune Plana realizacije nastave za saradnike na prvom ciklusu studija Fakulteta elektrotehnike Univerziteta u Tuzli u akademskoj 2019/20. godini.

II

Sastavni dio ove Odluke je dokument – Prijedlog Naučno-nastavnog vijeća sa tabelarnim pregledom Plana realizacije nastave na prvom ciklusu studija Fakulteta elektrotehnike.

4.4

O D L U K U

o usvajanju izmjena i dopuna Plana realizacije nastave za nastavnike na prvom ciklusu studija Pravnog fakulteta Univerziteta u Tuzli u akademskoj 2019/20. godini

I

Usvajaju se izmjene i dopune Plana realizacije nastave za nastavnike na prvom ciklusu studija Pravnog fakulteta Univerziteta u Tuzli u akademskoj 2019/20. godini.

II

Sastavni dio ove Odluke je dokument – Prijedlog Naučno-nastavnog vijeća sa tabelarnim pregledom Plana realizacije nastave na prvom ciklusu studija Pravnog fakulteta.

4.5

O D L U K U

o usvajanju izmjena i dopuna Plana realizacije nastave za nastavnike i saradnike na prvom ciklusu studija Prirodno-matematičkog fakulteta Univerziteta u Tuzli u akademskoj 2019/20. godini

I

Usvajaju se izmjene i dopune Plana realizacije nastave za nastavnike i saradnike na prvom ciklusu studija Prirodno-matematičkog fakulteta Univerziteta u Tuzli u akademskoj 2019/20. godini.

II

Sastavni dio ove Odluke je dokument – Prijedlog Naučno-nastavnog vijeća sa tabelarnim pregledom Plana realizacije nastave na prvom ciklusu studija Prirodno-matematičkog fakulteta.

TAČKA 5. RAZMATRANJE ZAHTJEVA RADNIKA UNIVERZITETA U TUZLI ZA DAVANJE SAGLASNOSTI ZA ANGAŽOVANJE NA DRUGOJ VISOKOŠKOLSKOJ USTANOVI

Nakon što je razmotrio Zahtjev, Senat Univerziteta jednoglasno je donio

O D L U K U

o davanju saglasnosti za angažman na drugoj visokoškolskoj ustanovi

Dr.sc. Murisu Đugu, vanrednom profesoru izabranom za užu naučnu oblast "Transformacioni procesi" na Fakultetu za tjelesni odgoj i sport Univerziteta u Tuzli, daje se saglasnost za angažovanje u nastavi na Studiju zdravstvene njege Univerziteta „Džemal Bijedić“ u Mostaru, na nastavnom predmetu „Osnove motoričkih transformacija“, za izvođenje 2 sata predavanja sedmično u zimskom semestru akademske 2019/2020. godine, a počev od 16.10.2019. godine.

TAČKA 6. DONOŠENJE ODLUKE O PONOVNOM IZBORU DR.SCI. EDINA MUTAPČIĆA U NAUČNO-NASTAVNO ZVANJE VANREDNOG PROFESORA.

Nakon što je razmotrio Prijedlog Naučno-nastavnog vijeća Pravnog fakulteta, Senat Univerziteta jednoglasno je donio

O D L U K U

o izboru kandidata u naučno-nastavno zvanje

I

Dr.sci. Edin Mutapčić, vanredni profesor ponovo se bira u naučno-nastavno zvanje **vanredni profesor** za užu naučnu oblast „Komparativna pravna historija i komparativno pravo“ na Pravnom fakultetu Univerziteta u Tuzli.

II

Imenovani se bira na period od 6 (šest) godina, a izborni period teče od **28.11.2019. godine**.

Kako drugih prijedloga nije bilo, sjednica Senata završena je u 15,15 sati.

ZAPISNIK SAČINILA

PREDSJEDAVALA SENATA

Nada Salkić, bachelor prava

Dr.sc. Nermina Hadžigrahić, redovni profesor

UNIVERZITET U TUZLI

Broj: 03-5340/19

Tuzla, 16.10.2019. godine